


明理續論

六尾

中武9  
165  
4止



門 165  
卷 4 止

傷寒明理續論卷之六



餘杭 節菴 陶 華 述  
新安 師古 吳勉學 校

傷寒三陰三陽脉證論

傷寒汗下溫之法最不可輕據脉以驗證問證而對  
脈六陽者陽證之表也陽明者陽證之裏也少陽者  
三陽三陰之間太陰少陰厥陰又居於裏總謂之陰  
證也發于外則太陽為之首發于內則少陰為之先  
太陽惡寒而少陰亦惡寒但太陽之脉多浮少陰之

明理續論

脈沉細與其他證狀亦自異也發熱惡寒身體疼痛  
 或自汗或無汗是為表證可汗不惡寒反惡熱口燥  
 咽乾壯熱腹滿小便如常而大便秘結是為裏證可  
 下厥冷囊卒自利煩燥而無身熱頭疼是為陰證可  
 溫浮洪紫數此表病之脈沉實滑數此裏病之脈微  
 細緩弱此陰病之脈在表者邪傳於榮衛之間在裏  
 者邪入于胃腑之內胃腑之下少陽居焉若傳之陰  
 則為邪氣入臟矣榮與衛俱為表也亦均可汗也然  
 有汗者為傷風風傷衛氣則以桂枝助陽而汗之輕  
 無汗者為傷寒寒傷榮氣則以麻黃湯助陽而汗之

若作弱是也

重榮衛固為表也胃腑亦可以為表也然以腑臟而  
 分表裏則在腑為之表在臟為之裏胃取諸腑所以  
 表言若合榮衛腑臟而分之則表者榮衛之所行裏  
 者胃腑之所主而臟則又深于裏者矣審脈問證辨  
 明定經直知其為表邪則汗之直知其為裏邪則下  
 之真知其為陰證則溫之表有邪則為陽虛陰經受  
 邪則為臟病而溫裏之藥熱如此而汗如彼而下又  
 如彼而溫桂枝承氣投之不差姜附理中發而必中  
 大抵治傷寒有法投劑少差死生立見古人處方立  
 論曰可汗曰可下曰可溫曰和解曰少與曰急下與

夫先溫其裏乃發其表先解其表乃攻其裏謂知奇者若網在綱有條不紊論至于此則知古人之大論甚嚴而汗下溫之法亦不可輕也信矣經曰傷寒六七日目中不了了無表證脈雖浮亦有可下者少陰病二三日無裏證亦有可汗者陰證四逆法當用溫而四逆散性寒豈可用哉曰醫在九流之中非圓機之士不足爲語也脈雖浮而亦可下者無表證謂六七日不大便借使大便不難其敢輕下之乎少陰病亦有發汗者少陰本無發汗發熱而表猶未解改用溫藥微取其汗也借使身不發熱其敢輕汗之乎四

逆湯用姜附四逆散用枳柴一寒一熱病主四逆因不侔矣然傳經之邪與陰經受邪初病便厥者不同四逆散用藥寒主先陽後陰也四逆湯用藥熱主陽不足而陰有餘也若張氏之論日數多則曰日數雖多但有表證而脈浮者猶可發汗日數雖少若有裏證而脈沉實者即瀉下之此日數之不可拘也至如陽極發厥陰極發燥陰證似陽陽證似陰差之毫釐繆以千里可不深思而熟慮也哉

陰陽虛實用藥寒溫辨

傷寒一書所謂陰陽虛盛則精微之義不無辯析於

其間四十八難曰病之虛實出者為虛入者為實蓋表之真陽既虛故陰邪以盛出而乘陽是以脉浮于外其病在表法當汗之當其陰邪出表脉浮于外之時不可自感以為陽脉盛也裏之真陰既虛故陽邪以盛入而乘陰是以脉入于內其病在裏法當下之當其陽邪入裏脉實于內之時不可自感以為陰脉盛也是說非古人之立言也蓋使人知如此之為陰盛則抑陰而助陽如彼之為陽盛則抑陽而助陰陰甚則邪出於外者發表之藥當性溫以助陽氣如桂枝湯之類是也陽盛則邪入于內者攻裏之藥當性

寒以抑陽氣如承氣湯之類是也或曰陰出而乘于外是陽之不足也陽病則當有以發表而汗之何哉是大不然陰邪傳于外不汗之則邪何由而去桂枝之性溫溫之乃所以助陽陽有所助而長則陰邪之所由以消辛甘發散為陽者此也張氏所謂承氣入胃陰盛乃亡者正恐陰盛出外而誤以承氣下之安得而不亡或者有陽入而承于內是陰之不足也陰病則當有以溫養而下之何哉是又不然陽邪入于內不下之則邪從何而出承氣之性寒寒之乃所以抑陽陽受其抑則微而真陰之所由以長酸苦湧泄

為陰者此也張氏所謂桂枝下咽陽盛則斃正恐陽盛入內而誤以桂枝汗之又安得而不死觀古人發表之藥多溫攻裏之藥多寒則知陰陽虛實之意微非止於汗下設矣所以為用藥寒溫設也

六經用藥格法

太陽屬膀胱寒水非發汗不能愈亦有桂枝麻黃以助陽祛邪此膀胱寒水之經有標本之作風寒初客仍在表宜用辛溫之劑以發散之若無頭痛惡寒或非冬時皆不可用

陽明屬胃非通泄不能痊必用大黃芒硝以疎利陽

熱此言表證已罷頭痛惡寒已除則熱歸陽明之本矣宜承氣湯寒劑以泄熱若惡寒未除則為表寒邪尚在不可下也冬時亦宜用不可拘忌

少陽屬膽無出入之道柴胡半夏能利能汗消解血熱黃芩佐之

太陰脾土惟惡寒濕非乾姜白朮不能燥濕也

少陰腎水惟惡寒燥非附子不能溫潤

厥陰肝木藏血榮筋非芍藥甘草不能滋養此用藥經常之道也

陰陽虛盛用藥寒溫辯

夫傷寒發表攻裏之藥寒熱殊途用之一差死生及  
掌所以越人仲景深致意於其間也難經云傷寒陽  
虛陰盛汗之則愈下之則死陽盛陰虛汗之則死下  
之則愈且寒邪之傷人也有淺深焉淺者汗之深者  
下之此古今不易之定法也方其風寒初客皮毛之  
間陰氣乃盛閉塞腠理身中陽氣已虛不能禦衛遂  
有惡風惡寒之證見焉當此之時止宜桂枝湯辛甘  
溫之藥助陽抑陰而發之陰邪既散表氣冲和而愈  
經云辛甘發散為陽者是也不知用此而反以承氣  
湯苦寒之藥下之表裏俱傷不亡何待表邪既罷寒

作為熱陽陷入深而成於裏則津液消耗腸胃燥澀  
而臟腑之真陰虛矣陰氣既虛即譫妄狂燥煩渴惡  
熱之病而作也當此之時宜用承氣湯苦寒之劑扶  
陰抑陽而泄去熱氣陽邪即退胃中真陰來復裏氣  
和平而愈內經所謂酸苦湧泄為陰者是也不知用  
此乃以桂枝辛熱之藥助邪伐正安有不斃者乎所  
以仲景云桂枝下咽陽盛則斃承氣入胃陰盛乃亡  
良以此夫嗚呼此論誠為傷寒汗下之樞機乎俗醫  
不能達此為妙昧于陰陽虛盛之道悖逆此理而不  
殺人也幾希經云發表不遠熱攻裏不遠寒豈虛語

哉

三陰三陽脉證

經云尺寸俱浮大者陽受病也當一二日發以其脉上連風府故頭項痛腰脊強傷寒則發熱惡寒傷風則鼻塞惡風然傷風有汗傷寒無汗

尺寸俱長者陽明受病也當二三日發以其脉夾鼻絡于目故身熱日疼鼻乾不得卧又曰不惡寒而作渴皆為在經不惡寒反惡熱自汗出大便難

尺寸俱弦者少陽受病也當三四日發以其脉循脇絡於耳故腦脇痛而耳聾口苦咽乾目眩往來寒熱而嘔此三經受病未入于腑者可汗而已

尺寸俱沉細者太陰受病也當四五日發以其脉布胃中絡于嗑故腹滿而咽乾或腹痛手足溫自利不渴

尺寸俱沉者少陰受病也當五六日發以其脉貫腎絡于肺繫舌本故口燥舌乾而渴惡寒口中和默默欲寐時時腹痛又咽痛三證

尺寸俱微緩者厥陰受病也當六七日發以其脉循陰器絡于肝故煩滿而囊縮唇青舌捲筋急或渴不欲食即吐蛔此三經皆受病也已入於腑者可下而



已此皆自陽經傳來者故宜下而去之非若陰經自中之寒此則為真陰證矣當用四逆湯重溫之

汗下溫正法

太陽傷風自汗惡風桂枝湯傷寒無汗惡寒麻黃湯陽明不惡寒反惡熱自汗者大便難大柴胡湯小承氣湯汗不止者胃汁乾急下之大承氣湯無汗惡寒升麻葛根湯有汗脉遲微惡寒為表未解桂枝湯無汗脉浮而喘麻黃湯

少陽證病屬小柴胡湯

太陰自利不渴為臟寒理中湯四逆湯胸中脹滿枳

實理中丸脹滿脉浮桂枝湯脹滿時痛桂枝加芍藥湯痛甚桂枝加大黃湯

少陰脉沉口不乾舌不燥背惡寒小便清白四逆湯

始得病脉沈遲反發熱麻黃附子細辛湯口燥咽乾

而渴急下之大承氣湯六經中惟此一經難治大要

以口燥而渴知其熱脉沉而遲別其寒

厥陰脉微浮為欲愈不浮為未愈小建中湯脉浮緩

如瘧狀桂枝麻黃各半湯脉沉短者蠱必縮為毒氣入臟承氣湯下之利不止者四逆湯

傷風見寒傷寒見風脉證

熱盛而煩手足自溫脈浮而緊此傷風見寒脈也不煩少熱四肢微厥脈浮而緩此傷寒見風脈也

二者為榮衛俱病法用大青龍湯然不可輕用瀉風寒俱盛又加煩燥方可與之

一法以桂枝麻黃湯尤穩今改羌活湯

三陽合病

本太陽病若汗若下若利小便無津液胃中燥轉屬陽明是為脾約若惡寒用升麻葛根不惡寒反惡熱大便難白虎湯譙語者調胃承氣湯下之喘而胸滿者不可下麻黃湯太陽少陽頭項強急脇下硬滿目

眩往來寒熱小柴胡湯

少陽陽明本少陽病因為發汗利小便後胃中燥大便難屬調胃承氣湯

正陽陽明乃本經風盛氣實也大柴胡湯大小承氣湯選用之

三陽合病腹滿身重譙語遺尿口中不仁屬白虎湯口乾舌燥不仁背惡寒同太陽陽明少陽陽明正陽陽明無表證者俱可下惟惡寒者為太陽陽明合病未過經為屬表可發汗桂枝麻黃各半湯蓋在經則汗過經則下也

大陽陽明併病

本大陽病發汗則汗出不徹因轉出陽明續自微汗出不惡寒是併歸陽明也

大陽證尚在桂枝麻黃各半湯大陽證也大小承氣湯陽明證也

春溫變熱

溫熱病者冬時感寒偶不即發寒毒藏於肌膚至春變為溫病夏變為暑病暑病者熱又甚於溫也溫病發於春三月夏至前是也發熱咳嗽頭疼身痛口燥渴脈浮弦熱甚者小柴胡湯熱微者升麻葛根湯解

肌湯微熱不渴小柴胡加桂枝渴者加五味渴者去半夏加栝藹人參脈實煩渴者大柴胡湯微利之以其脈實必大便難也虛煩者竹葉石膏湯然用羌活湯解之為當渴加知母石膏

夏月熱病發熱頭疼身痛重不惡寒而惡熱其脈洪不可溫宜羌活湯渴加知母石膏三夏至夏謂之晚發梔子升麻湯有少陽證者小柴胡湯更于前方內選用若春夏有惡風惡寒類傷寒證者蓋當時暴中風寒之氣新病即非冬時受寒通用羌活湯治之

症

瘧者先大陽中風重感寒濕所致經曰身熱足寒頸項強急惡寒時時頭熱面赤目赤獨頭面搖卒口噤背反張者瘧病也桂枝加栝蒌湯主之傷風頭痛常自汗出而嘔者若汗之必發瘧大發濕家汗亦作瘧新產血虛汗出傷風亦作瘧若其脉沉弦而遲或帶緊或散于指外皆惡候也

發熱無汗惡寒為剛瘧葛根湯或麻黃葛根湯發熱有汗不惡寒為柔瘧桂枝加葛根湯桂枝栝蒌葛根湯二瘧通用小續命湯剛瘧為陽去附子柔瘧為陰去麻黃剛瘧腦滿口噤咬牙脚攣卧不着席大承氣湯下之柔瘧桂心白朮湯附子防風湯白朮散桂枝煮散選用

風濕濕濕

風濕尺寸俱浮素傷於風因而傷熱風與熱搏即為風濕其外證四肢不收身熱自汗頭疼喘息發渴昏聩或體重不仁慎勿發汗汗之則譫語煩燥目無精彩病在少陰厥陰二經葳蕤湯人參敗毒散葛根龍膽湯小柴胡湯選用未醒者柴胡桂枝湯發汗已身灼熱知母葛根湯渴甚栝蒌根湯脉浮身重汗出漢防已湯誤汗風濕防已黃耆湯

濕溫寸濡而弱尺小而急素傷於濕因而中暑濕與熱搏即為濕溫其狀胸腹滿目痛壯熱妄言自汗兩脛逆冷變急惡寒若發其汗使人不能言耳聾不知痛處其身青而色變醫殺之耳

濕溫太陽經用白虎蒼朮湯加桂枝濕勝則一身盡痛發熱身黃小便不利大便反快五苓散加茵陳臑腑虛自利甚理中湯木附湯

風濕中濕

風濕脉浮先傷濕而後傷風也其證肢體腫痛不能轉側額上微汗惡寒不欲去衣大便難小便利熱至

日脯西而劇治法但微解肌若正發汗則風去濕在并非徒無益而又害之解肌用麻黃杏子薤苳甘草湯白朮防已黃耆湯不嘔不渴脉浮虛者桂枝附子湯濕多身痛小便自利甘草附子湯煩渴小便不利五苓散外不熱內不渴小便自利木附湯緩若昏迷腹滿身重自汗失音下利不禁白通湯加白朮去甘草身腫痛微喘惡風杏仁湯人參敗毒散通用熱而煩渴者加括萸若誤下之小便必不利可五苓散中濕小便不利大便自利甘草附子湯五苓散大小便皆利則與木附湯身體痛或鼻塞小建中湯加黃耆

溫毒中喝

溫毒者冬月感寒毒異氣至春始發也表證未罷毒氣不散故有發斑之證心下煩悶嘔逆咳嗽後必下利寸脈洪數尺脈實大為病則重以陽氣盛故耳治法通用玄參升麻湯黑膏主之詳見發斑條中

中暑脈虛而伏身熱背惡寒面垢自汗煩燥大渴毛聳惡寒昏昏倦怠而身不痛與傷寒諸證不同矣內外俱熱口燥煩渴四肢微冷而身不痛用白虎湯痰逆惡寒橘皮湯熱悶不惡寒竹葉石膏湯頭痛惡心煩燥心下不快小便不利五苓散下消暑丸中暑用

小柴胡湯最良脈芤遲腠理開洒然毛聳口齒燥白虎加人參湯霍亂煩燥大渴腹痛四肢冷脚轉筋以黃連香薷湯

一本有虛者用清暑益氣湯八字

發熱

夫翕翕然而熱者表熱也有蒸蒸而熱者裏熱也其屬表者風寒客於皮膚邪氣怫鬱于外表熱而裏不熱也其屬裏者陽氣下陷入於陰中裏熱甚而達表也其在半表半裏者以表熱未罷邪氣傳裏裏未作實則表裏俱熱而但輕于純在裏也太陽厥陰皆不發熱惟少陰反有發熱之證或其脈沉或下利手足

冷為異耳。雖然傷寒發熱病之常也。脈陰陽俱虛熱不止者。汗後復發熱。脈燥疾。下利者。皆不易治。其可例視之乎。

太陽病發熱頭疼惡寒有汗。桂枝湯。惡寒無汗。麻黃湯。

傷寒六七日。目中不了了。無表裏證。大便難。身微熱。此為實急下之。大承氣湯。脈浮數者。大柴胡湯。

陽明病發熱汗出。脈浮數實者。調胃承氣湯。脈浮桂枝湯。汗多者。胃汁乾急下。大承氣湯。

中風發熱六七日不解而煩。有表裏證。渴欲飲水。水

入即吐。名曰水逆。五苓散。脈浮而大。其人發熱煩渴。小便赤。表裏俱見。五苓散。

少陽發熱。脈弦細而嘔。小柴胡湯。

少陰反發熱。有二病。脈沉者。麻黃附子細辛湯。下利厥逆。裏寒外熱。脈不出者。通脈四逆湯。

脈浮熱甚。反灸之。因火而動。必咽燥吐血。四逆湯。脈浮大遲。表熱裏寒。下利清穀。四逆湯。發熱口乾鼻燥。能食者。黃芩湯。

脈浮發熱無汗而渴。表未解也。小柴胡湯。加入參。括婁湯。壯熱頭痛。心中煩者。梔子黃芩湯。汗下後有熱。

明理齋論 卷六  
大汗則損氣氣損則陽微故脉虛而惡寒大下則傷血血傷則陰弱故脉澹而發熱誤汗誤下皆有此耳且陰以陽為主陽以陰為根下之亡陰矣陰無所主邪氣搏之血虛乃發熱也

大陽病發汗遂發熱惡寒小柴胡湯蒸蒸而熱者屬胃調胃承氣湯

下後陰弱而發熱是為內熱葶藶苦酒湯若脉浮則汗之麻黃湯脉實則下之大柴胡湯大下後身熱不去心中結痛者未欲解梔子豉湯發汗又復下之惡寒發熱無休止時小建中湯

傷寒以圓藥下之身熱不去微煩者梔子乾姜湯

下後身熱不去心中結痛者梔子豉湯瘧後勞復發熱小柴胡湯脉浮者當汗解柴胡桂枝湯脉沉者當下解調胃承氣湯

下利腹反痞滿者生姜瀉心湯小便不利麥門冬湯食復發熱梔子豉湯加大黃病後虛羸微熱不去者竹葉石膏湯

頭痛

大凡頭痛屬三陽乃邪氣上攻也太陽專主頭痛陽明少陽亦有之三陰絡上不過頭惟厥陰循喉嚨之



後上連目系頂顛故有頭痛乾嘔吐涎沫之證却無身熱亦與陽證不同雖然風濕在少陰濕溫在大陰其經從足走至胸中而還及頭痛過於陰者是又不拘也若兩感于寒太陽少陰俱病則頭痛口乾煩滿而渴與夫頭痛極甚又連于腦手足寒者則為真頭痛不可治矣

太陽病頭痛發熱惡寒無汗麻黃湯有汗桂枝湯已發汗未發汗頭痛如破者葛根葱白湯

太陽病下之脈細數者頭痛未止連翹葱白湯

陽明頭痛不惡寒反惡熱六七日不大便胃實氣攻

於上也少與調胃承氣湯

少陽頭痛脈弦發熱小柴胡湯

濕家頭痛鼻塞瓜蒂末納鼻中黃水出立愈

痰涎頭痛腦滿寒熱脈緊瓜蒂散吐之

厥陰頭痛乾嘔吐涎沫吳茱萸湯

頭痛夜熱心煩梔子黃芩湯

天行勞復頭痛四肢痛葱頭湯

項強

項背強者太陽表邪也發散則解結胸項強有下之證寒濕項強則成痙見本條臨病宜審

收作壯是也

汗作明可也

太陽病項強無汗惡風為表實葛根湯項背強發熱汗者惡風為表虛桂枝加葛根誤下太陰結胸項強大陷胸丸一法頻與理中丸若損甚者兼與四逆湯項強脇下滿身熱惡風手足溫而渴小柴胡湯陰毒初得病項背強咽痛心腹痛短氣厥逆吐利身如被杖附子湯陰毒甘草湯正陽湯天符復作熱至晚則腰痛頭項強身重葛根生姜豉湯

惡風

惡風者見風則怯密室之中無所惡也風傷衛氣衛虛則腠理不密由是而惡矣悉屬於陽非比惡寒有

陰陽之別若無汗而惡寒者為傷寒當發其汗汗出而惡風者則為中風當解其肌不可更發汗若裏證甚而惡風未罷者尤當先解其表三陽風濕皆有此證不可不辯

太陽中風陽浮陰弱惡風自汗發熱鼻鳴乾嘔桂枝湯

頭痛發熱身疼腰痛骨節疼惡風無汗而喘麻黃湯發汗太過衛虛亡陽遂漏不止而惡風者法當用溫桂枝附子湯

小便難四肢微急難以屈伸治與上同

明理經論 卷六 七  
若吐若下後七八日不解表裏俱熱時惡風大渴舌  
乾燥而煩白虎加人參湯

汗不止必惡風煩燥不得臥先防風白朮牡蠣湯次  
小建中湯風濕惡風不欲去衣骨節煩疼不得屈伸  
汗出短氣小便不利或身微腫甘草附子湯  
脈浮身重汗出惡風防已黃耆湯

### 惡寒

惡寒者不見風亦惡寒身雖熱亦不欲去衣被其風  
寒客于榮衛陰氣上入陽中則洒淅而惡寒也經曰  
發熱惡寒者發於陽也無熱惡寒者發於陰也謂如

或已發熱或未發熱必先惡寒而繼之以發熱此則  
發於陽也若初病惡寒而倦脈沉細而緊此則為熱  
發於陰也在陽則發汗在陰則溫裏或下證悉具而  
微惡寒者是表猶未解當先解表而後攻裏若少陰  
病惡寒而倦手足厥冷自利燥煩脈不至者又為不  
治之證

太陽病發熱或未發熱惡寒有汗桂枝湯無汗麻黃  
湯

病發熱惡寒熱多寒少脈微弱者無陽也不可發汗  
越婢湯

陽明病固宜下微惡寒者係與太陽合病在經屬表可發汗麻黃湯若脉遲汗多微惡寒者表未解也雖陽明證可桂枝湯

少陽病頭汗出微惡寒柴胡桂枝湯

發熱汗出後惡寒而嘔但心下痞者五苓散發汗後

惡寒者虛也芍藥附子甘草湯

惡寒脉微而復利正亡血也四逆湯加人參汗後惡

寒脉細數浮遲嘔不止理中丸

大下後復發汗心下痞而惡寒表未解也當先解表

桂枝湯後攻痞三黃瀉心湯

太陽病下後脉促胸滿者桂枝去芍藥若微惡寒者桂枝加芍藥附子湯

少陰病脉沉細惡寒者四逆湯

若下利惡寒而倦手足温者小建中湯若惡寒而倦時時自煩不欲厚衣大柴胡湯

亡血家不可發汗汗之則寒慄而振小柴胡湯芍藥湯

脉弱者不可發汗汗之則寒慄不能自還當歸四逆湯

背惡寒

背為陽腹為陰背惡寒陽不足也陽不足則陰氣盛陰氣盛者口中和陽氣內陷者口乾燥附子白虎宜加詳審

口中和背惡寒者屬少陰附子湯及灸氣海陽氣內陷口乾燥背惡寒白虎湯

寒熱

寒熱往來者陰陽相勝邪正相爭而作也蓋陽不足則陰邪出於表而與之爭故陰勝而為寒陰不足則陽邪入於裏而與之爭故陽勝而為熱邪居表多則多寒邪居裏多則多熱邪在半表半裏則寒熱相半

乍往乍來而間作也小柴胡湯專主寒熱寒多者加桂熱多者加大黃是大法也

太陽病八九日如瘧狀發熱惡寒熱多寒少不嘔清便自可一日二三度發桂枝麻黃各半湯脈微緩者不可汗宜越婢湯

病至十余日熱結在裏往來寒熱大柴胡湯

心煩發嘔胸膈滿不欲食寒熱往來小柴胡湯

汗下後不嘔不渴頭汗出胸膈滿小便不利寒熱往來柴胡桂姜湯

熱多寒少尺脈遲者榮血不足黃耆建中湯脈浮大

寒熱往來宜祛邪凡婦人中風七八日續得寒熱發作有時經水適斷為熱入血室小柴胡湯

潮熱

潮熱屬陽明陽明旺於未申一日一發日晡而作也邪入胃腑為可下之證設或脈浮而緊潮熱而利或小便難大便溏者熱未入腑猶帶表邪先當和解其外如小便利大便硬方可攻之若潮熱於寅卯寅卯則屬少陽潮於巳午則屬太陽是又不可不辯病人煩熱汗出則解又如瘧狀日晡潮熱脈實可下小承氣湯或大柴胡脈虛者不可下桂枝湯

陽明病潮熱大便微硬者大承氣湯

陽明病脈浮而緊必潮熱發作有時但脈浮者必盜汗出柴胡桂枝湯

腹滿不大便潮熱小承氣湯微利之

似瘧

似瘧一名瘧狀作止有時非若寒熱往來無定也

大陽似瘧脈伏洪桂枝湯清便自可不嘔一日二三度發桂枝麻黃各半湯

陽明似瘧煩熱汗出日晡發熱脈浮桂枝湯脈實承氣湯

婦人熱入血室其血必結亦如瘧狀小柴胡湯

熱多寒少陽乘陰也若尺脉遲為血少先以黃耆建

中湯養其榮衛脉不遲却以小柴胡湯桂枝一越婢

湯選用之

厥陰脉浮緩囊不縮必發熱惡寒似瘧為欲愈桂枝

麻黃各半湯溫瘧其脉如平身無寒但熱骨節煩疼

時嘔白虎湯加桂渴者柴胡加人參栝蒌湯

無汗

無汗寒邪中經腠理閉密津液內滲而無汗也若風

暑濕干之則自汗出矣當汗之證與麻黃湯三劑而

不得汗者此又不可療也

太陽當熱無汗頭痛麻黃湯

項背強兀兀無汗葛根湯

剛症發熱惡寒無汗葛根湯或小續命湯

脉浮發熱無汗表不解者麻黃湯汗不止白虎湯

渴欲飲水無表證者白虎加人參陽明反無汗脉浮

而喘者麻黃湯若無汗小便不利心中懊懣身必發

黃五苓散加茵陳

自汗

衛氣者所以肥腠理而固津液者也衛為邪所干不

能衛護於外由是而汗出焉且自汗者有表裏虛實之分若自汗出惡風寒爲表未解當解肌以致汗泄惡風與汗後惡寒皆爲表虛必用溫劑若汗出不惡風寒則爲表解裏未和從下之設或汗出髮潤如油如珠凝而不流皆不可治也

太陽中風自汗脈浮緩桂枝湯

汗出而渴小便難五苓散不渴者茯苓甘草湯

自汗出小便難而用桂枝惟加芍藥甘草

自汗出小便不數心煩微惡寒脚攣急桂枝附子

陽明汗多而渴發熱譫語大便硬調胃承氣湯

太陽病發汗遂漏不止惡風寒桂枝附子湯

若小便自利而汗出爲津液少不可攻利宜蜜導煎

通之若汗多者胃汁乾急下之大承氣湯

汗多而渴勿用五苓散

汗不止無他證者煨粉撲之服桂枝湯大汗出煩渴

不解脈洪大者白虎加人參

下後不可更用桂枝湯

若汗而喘無大熱者麻黃杏仁甘草石膏湯

諸陽經絡循於頭三陰則至項而還頭汗者邪搏諸

陽則汗見於頭也若遍身汗者爲之熱越令熱不得



越而陽氣上騰津液上騰故但頭汗耳夫表虛則不可下內澗則不宜汗頭汗之證更不可再汗也其或來血在裏與夫熱入血室虛煩水結皆令頭汗此為熱鬱於內而上達或吐或下以去其邪設或小便不利內外關格而頭汗則為陽脫誤下濕家額上汗出而喘小便難小便利亦為陽脫二者皆不瘳矣百問表實裏虛故頭汗不可下發黃頭汗及項而止小便難引水漿此濕也茵陳蒿茵陳五苓散

心結胸心忪滿無大熱頭汗出半夏茯苓湯

譫語頭汗是為血熱屬陽明用承氣湯若心中懊憹

而頭汗者梔子豉湯

半表半裏有柴胡證並小柴胡湯熱寒往來微惡寒為表脇下滿大便堅為裏

手足汗

四肢者諸陽之本熱聚於胃則津液傍達于手足也蘊熱則燥煩譫語挾寒則水穀不分是又承氣理中之不同

陽明病手足熱熱汗出譫語大便難與承氣湯

陽明中寒不能食小便利手足汗出大便初硬後

溏水穀不分與理中湯一法用猪苓湯

盜汗

盜汗者睡著則汗出覺則便不出矣雜病責於陽虛傷寒責在半表半裏故知膽有熱也

陽明病脉浮緊潮熱盜汗柴胡桂枝湯

脉浮大欲眠目合則汗小柴胡湯又柴胡桂枝湯

煩熱

邪熱傳裏不經發汗吐下則為煩熱與發熱似同而異經曰病人發熱汗出則解如未作隔熱但當和解微熱而已若心下滿而煩則有吐下之異宜別其證之虛實而為劑之輕重也先煩而悸者為實先悸而

煩者為虛虛煩而心中欲嘔吐鬱悶之狀

太陽病心煩自汗小便數者不可與桂枝湯宜芍藥甘草湯服桂枝湯後出汗後煩渴者脉洪大白虎加人參湯

陽明病心煩喜嘔壯熱往來心下悸小便不利小柴胡湯加茯苓傷寒二三日心中悸而煩小建中湯發汗後解半日許復煩脉浮數者可更發汗桂枝湯衄而煩渴者飲則吐水五苓散不愈竹葉石膏湯下後晝煩夜靜不渴不嘔無表證脉微沉乾姜附子湯若懊憹與梔子豆豉湯

若發汗若下之病仍不解而煩燥者茯苓四逆大下後六七日不大便不解腹滿痛者有燥屎大承氣湯吐汗下後虛煩心下痞滿氣上衝頭眩身為振搖茯苓桂枝白朮甘草湯

腎傷寒表裏無熱但煩惜不欲見光明有時腹痛其脈沉細四逆湯

煩燥

煩為擾亂而燥為憤怒燥為先煩而漸至燥也傷寒煩燥則有陰陽虛實之別心熱則煩陽實陰虛腎熱則燥陰實陽虛煩則熱之輕燥則熱之甚也有邪在

共作與

裏而煩燥者有不煩便作燥悶者此為陽盛隔陰欲於泥水中卧飲水不得入口也

其或結胃證其而煩燥吐利四逆湯煩燥下利發熱厥逆煩燥不得眠惡寒燥攣脈不出而燥者皆為不可治矣

太陽中風脈浮緊熱而惡寒身疼痛不汗出而煩燥大青龍湯

得病二三日脈弱無太陽證柴胡湯

證煩燥心下硬能食小承氣湯微和之心中悸而煩燥者小建中湯

惡風自汗脉濡弱而煩燥者皆宜用此法

但發熱六七日渴欲飲水者五苓散無熱但狂言煩

燥者五苓散水調服探吐之

陽明病不大便繞臍痛煩燥承氣湯下之

少陽吐利厥逆煩燥欲死吳茱萸湯

厥逆脉沉自利煩燥不得眠黃連雞子湯黃連阿膠

湯

下後復發汗晝則煩燥不得眠夜而安靜不嘔不渴

無表證脉沉微身無大熱乾姜附子湯

發汗若下之病仍在不去煩燥者茯苓四逆湯

陰極發燥或陰毒火邪投熱藥及劇者不可用涼藥  
燥甚仍與熱劑用四逆湯輩

懊懷

懊懷者心中懊惱懷懷鬱悶不舒之貌蓋由表證誤  
下正氣內虛陽邪內陷結於心胸之間甚則為結胸  
也邪在心胸則宜吐熱結胃腑則宜下不可拘也發  
汗吐下之後虛煩不得眠甚則反覆顛倒心中懊懷  
梔子豉湯舌上白胎肌不能食虛煩不眠頭汗懊懷  
上同

短氣煩燥咽硬胸中懊懷大陷胸湯

陽明病下之後懊懣而煩中有燥屎宜承氣湯  
陽明無汗小便不利心中懊懣者必發黃宜茵陳蒿湯

身痛

身痛太陽表證也雖曰表邪未解而有發汗溫經先後之不同自利脈沉為陰病身痛其身重者屬子陽明為有風也又有陽邪內行不榮於表是又不可不知  
太陽身痛脈浮緊無汗麻黃湯或尺脈遲為無血先用小建中湯候尺脈浮却用麻黃湯

下利脈沉身痛宜四逆湯輩

發汗後身痛脈沉遲桂枝芍藥人參湯

一身盡痛發熱面黃七八日後結熱在裏乃攻其表

溫裏四逆湯攻表桂枝湯

霍亂後身痛不休桂枝湯

濕家身疼痛不可發汗發汗則成痙葛根桂枝湯

凡中濕身痛有本條

四肢拘急

拘急者手足不能自如屈伸不便如蹇卧惡風之貌四肢者諸陽之本蓋因發汗亡陽陽虛是有其證也

傷寒脈自汗出小便數心煩惡寒脚攣急為藥甘草湯小便難者桂枝加附子

太陽病發汗遂不止惡風小便難四肢微急難以屈伸桂枝加附子湯

吐利汗出發熱惡寒四肢拘急手足厥冷四逆湯

咳嗽

咳者聲欬俗謂之嗽肺主氣肺為邪所乘氣逆而不  
下也故令咳嗽有肺寒而咳者有停飲而咳者有邪  
在半表半裏而咳者治各不同其水咳三證不可不  
辯小青龍太陽之表水也十棗湯太陽之裏水也真

警言

武湯水證之水氣也蓋水與表寒相合而咳則小青  
龍當汗之水與裏寒相合而咳則真武湯溫之裏水  
合水動肺而嗽十棗湯所以下之也

太陽病身熱咳嗽乾嘔喘而利小青龍湯有加減法  
惡寒身痛貝依本方身涼咳嗽乾嘔為利心下痞滿  
引脇下痛十棗湯

四肢痛重腹痛下利咳嗽或嘔真武湯有加減之法  
少陽病寒熱往來胸脇硬滿而痛咳嗽小柴胡湯有  
加減之法

少陽咳嗽四逆湯腹痛下利咳嗽中滿而嘔大半夏

湯

喘

傷寒發喘有邪在表者有邪在裏者有水氣者在表者心腹濡而不堅外證無汗法當汗之在裏者心腹脹滿外證有汗法當下之其水氣者心下怔忡是以有青龍湯之證或注喘而汗出而喘宜發之雖然喘特病之常也其或直視譫語汗出髮潤身汗如油皆不可治

太陽病無汗而喘麻黃湯

陽明病汗出不惡寒短氣腹滿潮熱而喘小承氣湯

大陽陽明合病喘而胸滿不可下宜麻黃湯

誤下大嘔利不止脈促有汗而喘葛根麻黃湯

無汗而喘麻黃杏仁甘草石膏湯

水氣喘咳乃太陽汗後飲水多而水停心下小青龍

湯去麻黃加杏仁小腹痛者去麻黃加枳實陰病喘

促者反陰丹

氣逆

氣逆者氣自腹中時時上衝也蓋因太陽病下之表邪乘虛傳裏裏不受邪則氣逆上行仍在表也當復汗之厥陰客熱氣上衝心此熱在裏而氣上也若病

如虛羸少氣氣逆欲吐者又動氣發汗而氣上衝者此正氣虛而氣逆也當依法調治之脈沉緊者不可

汗  
太陽病下之後其氣上衝者可與桂枝湯不上衝者不可與之病如桂枝證頭不痛項不強寸脈浮微胸中痞硬氣上衝咽喉不得息此為胸中寒瓜蒂散吐之脈微者不可吐吐則心口逆滿氣上衝腦起則頭眩脈沉緊發汗則動經身為振搖茯苓白朮桂枝甘草湯  
動氣發汗氣上衝者李根湯

病後虛羸少氣氣逆吐者竹葉石膏湯

短氣

短氣者呼吸短促而不能相續也肝少氣不足以息也金匱要略曰短氣不足以息者實大抵心腹脹滿而短氣者邪在裏而為實心腹濡滿而氣短者邪在表而為虛又有停水心下亦令短氣隨證攻治無不愈矣

短氣潮熱腹滿而喘此為外欲解而裏欲實大柴胡湯小承氣湯  
風濕相搏汗出短氣小便不利惡風不欲去衣其邪



在表甘草附子湯

食少飲多水停心下短氣小半夏湯

身涼乾嘔短氣汗出不惡寒此表解裏有水十棗湯

誤下太陽短氣煩燥心中懊憹便為結胸大陷胸湯

及丸

口乾

邪熱聚於胃腑消耗津液故口乾熱而渴也經曰少

陰病故口燥咽乾者急下之若不口燥咽乾而渴脉

沉者急温之又有漱水不下咽者若見表證必衄為

邪熱在經也以血氣俱多經中熱甚迫血妄行而作

衄者無表證加之胸腹滿而如狂者又為畜血在內者

陽明口燥咽乾無大熱背微惡寒煩渴白虎加人參

湯

少陽口燥咽乾小柴胡湯

少陰口燥咽乾而渴急下之用承氣湯

陽明病口燥欲漱水不嚥者必衄黃芩芍藥湯漱水

不咽發狂輕者犀角地黄湯甚者抵當湯

渴

渴者裏有熱也津液為熱所耗故令渴也傷寒六

日傳至厥陰為消渴者渴飲水多而小便少乃熱能消水也朱氏曰脉浮而渴屬太陽有汗而渴屬陽明自利而渴屬少陰至於厥陰則又熱之極矣太陽無汗若渴忌白虎宜柴胡湯陽明多汗而渴戒五苓宜竹葉石膏湯若先嘔後渴則為欲解當與之水先渴後嘔則為水停屬茯苓湯當從此議勿令悞也大陽病發渴脉浮表不解心下有水氣小青龍湯去半夏加瓜蒌服桂枝湯汗出後煩渴甚者白虎加人參湯小便不利而渴五苓散

身熱惡風手足溫脇滿而渴小柴胡去半夏加瓜蒌陽明發渴則有汗脇下硬不大便而嘔舌上白胎小柴胡湯加減同用

若汗少小便不利脉浮而渴五苓散渴而飲水嘔者同

發黃頭汗出小便不利渴飲水漿茵陳蒿湯茵陳五苓散

少陽發汗則自利咳而嘔引水飲猪苓湯

下利渴欲飲水白頭翁湯

下利脉數而渴者自愈不愈必下清血宜黃芩散

病人脉微細欲吐不吐心煩但寐小便白下利而渴  
四逆湯

陽毒

大熱大渴黑奴丸中暑發渴白虎加人參湯

胸脇滿痛

胸滿者胸膈間氣塞閉也非心下滿者脇肋下氣填  
脹滿也非腹中滿蓋邪自表傳裏必先自胸脇以至  
心腹而入胃是以胸滿多帶表證且發汗脇滿者多  
在半表半裏之間宜和解至於邪結胸中而為實者  
又須湧吐之也

太陽病下後脉促胸滿桂枝去芍藥湯病在於胃氣  
芍藥入榮故去之

陽明病喘而胸滿猶帶表證不可下與麻黃湯麻黃  
杏仁甘草石膏湯

胸脇俱滿或脇下硬痛或嘔吐舌上白胎或不大便  
並屬小柴胡湯

傷寒五七日往來寒熱胸脇若滿默默不飲食心煩  
喜嘔或脇下痞硬柴胡加牡蠣湯

傷寒七八日下之胸滿煩驚小便不利譫語一身盡  
痛不可轉側柴胡加龍骨牡蠣湯胸中痰實瓜蒂散

警作驚

吐之腦膈不快填滿閉塞唇青手冷脉細沉少情緒  
或腹痛此名太陰

結胸

經曰病發於陽而反下之熱入因作結胸註曰發熱  
惡寒者發於陽也外證項強心下滿硬而痛是也此  
為實邪在裏法當下之若脉浮大若表證若水氣填  
不可下亦有不因下而心下硬滿者經曰病人手足  
厥脉乍緊邪結胸中心滿而煩飢不欲食當吐之是  
則病在胸中也經曰陽明病心下硬滿不可下下之  
利不止而死是則邪氣自表傳裏留於心下未全為

實法當吐之故有此戒其或結胸證具而煩燥者不  
治

結胸寸脉浮關尺皆沉緊宜下若脉浮大或有表證  
先用小柴胡湯表已解下之大結胸不按而痛連臍  
腹痛硬不可大陷胸湯或太峻用丸亦可

小結胸按之而痛心下硬小陷胸湯

熱實結胸懊憹煩渴心下痛少與大陷胸湯

寒實結胸無熱證三物白散枳實理中丸

痞

經曰病發於陰而反下之因作痞註云無熱惡寒者

別本可下有逆字

發於陰也。輕於結胸者，心下滿而不痛，按之則濡，是其虛邪留滯，故但滿而不痛也。惟枳桔最良，欲攻之，只從表證解而後可。

痞者，關脈多沉，枳實理中丸，半夏瀉心湯，關脈沉者，三黃湯瀉其肝。若惡寒者，附子瀉心湯。服此湯痞不去，煩渴小便不利，五苓散。

下後復汗，心下痞而惡寒，表不解，不可攻痞。先與桂枝湯，表解乃攻痞。三黃湯。

表未解而心下妨悶，曰支結。柴胡桂枝湯，胸脇滿而微結。小柴胡湯加乾姜、牡蠣，表證未罷，因攻之，脇熱而利。心下硬為表裏俱病。桂枝人參湯。

下利，心下痞硬，乾噎食臭，腹鳴，甘草瀉心湯。生姜瀉心湯，治法通用。桂枝人參湯。若下利不止，則治下焦赤石脂禹餘糧湯。又不止，只利小便，五苓散。

發熱不解，嘔吐不利，心下痞硬，大柴胡湯。吐汗下後，噎氣痞硬，旋覆代赭湯。若咳逆氣虛，用四逆湯。

腹滿

胃寒先宜理中丸，後用旋覆代赭湯。

實從下之時減者為裏虛當溫之若解表內不泄非  
大瀉尤生寒熱未可下是邪全未入腑若大瀉大實  
兼有燥屎雖得之四五日亦為可下謂邪已入腑也  
大抵陽熱為邪則腹滿而咽乾陰邪為寒則腹滿而  
吐利食不下若雖經吐下後而腹滿者治法又各不  
同是又不可不知也

大陽誤下因時腹滿而痛桂枝加附子湯痛甚桂枝  
加大黃湯

陽明發熱腹滿微喘口苦咽乾或不大便譫語者並  
小柴胡湯歲而小使難加茯苓

三陽合病腹滿身重難以轉側譫語口中不仁小柴  
胡湯有汗白虎湯

太陰腹滿吐食不下枳椇理中丸

少陰病六七日腹脹滿不大便急下之大承氣湯

腹滿痛者脾不勝水水與氣搏皮肉之間腸中漉漉  
有聲小半夏茯苓湯加桂枝下利腹滿身疼痛先溫  
其裏四逆湯後攻其表桂枝湯

發汗後腹滿當溫厚朴半夏生姜人參湯吐後腹滿  
當下少與調胃承氣湯下後腹滿宜梔子厚朴湯腹  
脹滿者陰陽不和枳梗半夏湯

腹痛

邪氣入裏與正氣相搏則為腹痛蓋陽邪傳裏而痛者其痛不常當以辛溫之劑和之陰寒在內而痛者則痛無休時欲作利也當以熱劑溫之有燥屎宿食為痛者則煩而不大便腹滿而痛也則後用下經曰諸痛為實痛隨利減此皆為裏證而所治各不同矣又當隨證施治  
傷寒四五日腹中痛若轉氣不趣小腹者此欲自利也四逆湯  
少陰腹痛四逆或咳或悸或小便不利或瀉利下重

并四逆散

下利青穀脈微欲絕通脈四逆湯腹痛小便不利真武湯

胸中熱胃中有邪氣腹痛欲嘔吐者黃連湯

大便實痛者閉脈實腹滿不大便桂枝加大黃湯大

小承氣湯選用之

小腹痛

小腹痛者臍下滿是也若胸滿心下滿腹滿皆為邪氣而非物今小腹痛皆為有物而非氣小便利者則為畜血之形小使不利者乃是溺瀆之證滲利之劑

宜分兩途。經曰：病人素有痞氣，連在臍傍，痛引小腹，入陰筋者，名臍結也，死。

大陽病不解，熱結膀胱，其人如狂，小腹急結，桃仁承氣湯。

大陽病六七日，表證在，脈微沉，不結胸，發狂，小腹硬滿，小便自利，抵當湯。

大陽病，目黃，脈沉結，小腹硬，小便不利者，五苓散。陰陽易，小腹痛，燒視散。

病者手足厥冷，真武湯。不結胸，小腹滿，按之痛者，此冷結在膀胱，關元宜灸關元穴。

嘔吐

嘔者聲物俱出者也。吐者無聲而但出物者也。故仲景復重言乾以別之。則嘔為有物，明矣。乾猶空也。但空嘔而無所出耳。然嘔吐俱有物出，較之輕重則嘔甚於吐。蓋表邪搏裏，裏氣上逆，故嘔吐而水穀不下也。有胃熱，脈弦數，口舌煩渴，有胃寒，脈弦遲，逆冷，不食，小便利，有水氣，先渴後嘔，膈間怔忡，有膿血，喉中腥，奔逆上衝，不須治之，嘔膿盡自愈。是四者不可不辯。大抵邪半在表，半在裏，則多嘔吐。及其裏熱而嘔吐者，亦有之。故經曰：嘔多雖有陽明證，不可攻之為



其氣逆未收歛為實也設或嘔而脈弱小便復利身  
惟熱而見厥者難治以其虛寒甚也

太陽少陽合病自利而嘔黃芩加半夏生姜湯

太陽陽明合病當自利若不利但嘔葛根加半夏湯

傷寒胸中熱胃中有邪氣腹脹氣逆欲嘔吐者黃連

湯

太陽病發熱汗出心下煩鬱痞硬不利嘔吐大柴胡

湯

三陽發熱而嘔逆小柴胡湯嘔而渴者豬苓湯五苓

散

先嘔後渴此為欲解宜與水解先渴後嘔而水停心

下赤茯苓湯

少陰病又吐但欲寐五六日自利而渴小便色白四

逆湯加生姜

少氣或咳或悸身痛自利真武湯去附子加生姜膈

上寒飲乾嘔吐涎沫四逆湯

若吐利手足厥冷煩燥甚者吳茱萸湯

食穀欲嘔者屬陽明也上同得湯反劇者屬上焦橘

皮湯小柴胡湯似嘔似噦似喘心下憤憤大橘皮湯

汗下後關脈遲緩而吐為胃寒理中丸

瘥後虛煩嘔吐竹葉石膏湯加生姜汁屢經汗下食氣膈塞食入即吐乾姜黃芩黃連人參湯

汗後水藥不入口者四逆半夏茯苓湯金匱要略曰諸嘔吐穀不下半夏湯嘔吐脉滑數或洪發熱茅根湯

乾嘔

乾嘔者嘔而無物出也大抵熱在胃脘與穀氣并熱氣上薰心下痞結則有此證太陽汗出乾嘔桂枝湯主自汗也少陰下利乾嘔姜附湯主下利也厥陰吐沫乾嘔吳茱萸湯主涎沫也和去則吐自止矣若有

水氣二證又當以表裏別之

傷寒表不解而心下有水氣乾嘔身熱微喘或自利

小青龍湯主之

不發熱不惡寒肋痛欬而利乾嘔者十棗湯下之

自汗頭痛乾嘔桂枝湯

少陰下利乾嘔脉微白通湯下利不止乾嘔而煩厥

逆無脉白通加猪膽汁湯

惡寒外熱脉微欲絕乾嘔通脉四逆湯

膈上有寒飲乾嘔亦屬少陰四逆湯

乾嘔吐痰沫頭痛吳茱萸湯得此湯反劇者與小柴

一本即作服

胡湯

乾嘔自利黃芩湯半夏生姜湯太陽中風陽浮陰弱  
自汗惡風寒發熱鼻鳴乾嘔者桂枝湯乾嘔嘔若手  
足厥者橘皮湯

欬逆噦

夫咳逆者俗謂之吃忒是也纔發聲於喉間則遽止  
吼吼然連續數聲然而短促不長古人謂之噦者非  
也噦與乾嘔無異但其聲濁惡而長然皆有聲而無  
物病至於噦則危難治矣大抵餽近於噦餽者但胸  
間氣塞不得下通噦則惡濁之聲達於外矣蓋因胃

氣本虛汗下太過或復飲水水寒相搏虛逆而成經  
曰陽脉浮則為氣譫又曰脉滑則為噦此為醫外責  
虛取實之過也又有熱氣擁鬱上下氣不得通而噦  
者輕則和解之通利之甚則溫散之設若不尿腹滿  
而噦者咳逆脉散而無倫者雖神醫不能措手與傷  
寒咳而氣逆者又不同也若將藥忒紊於噦與咳而  
氣逆則誤人多矣臨病之際宜明辯之欬嗽大便少  
與大承氣湯下之蓋由熱氣衝膈肝肺故耳若便軟  
瀉心湯胃氣虛而衝脉逆也若脉散者不治咳逆瀉  
熱小柴胡加橘皮生姜湯

厥逆不止烏苓湯有寒者羌活附子散

傷寒表不解心下有水氣乾嘔發熱而咳或詢小青

龍湯去麻黃加附子

寸口脉浮大醫反下之為逆又飲冷水令汗大出水

得寒氣冷必相搏其人即飢葶藶湯

噦而腹滿大便不利先宜半夏生姜湯次用承氣湯

小便不利猪苓湯

陽明中風脉浮弦小便難潮熱而噦小柴胡湯加茯苓

苓

嘔噦手足冷逆小橘皮湯

若腦滿虛煩大橘皮湯

胃氣寒者吳茱萸理中湯温中湯

金匱要略曰噦逆者橘皮竹茹湯主之

噦不止者橘皮乾姜湯半夏生姜湯退陰散子宜清

息用之

温病熱未除重被暴寒入胃蘊結不散變噦梓皮飲

子

温病有熱飲水暴冷作噦茅根葛根湯

温病胃冷變噦茅根橘皮湯

温病有熱飲水暴冷枇杷茅根湯

月里續論

卷六

五

下利

傷寒表邪傳裏裏虛助熱則自下利又有不應下而便攻之內虛協熱亦為下利要當別其陰陽二陽下利自太陽下利手足溫少陰厥陰下利身涼無熱此大槩也自利清穀不渴小便色白微寒厥冷惡寒凡此皆寒渴欲飲水溺色如常泄下赤黃發熱後重凡此皆熱蓋因風邪入胃水來侮土故令暴下或溫或攻或清下焦或利小便隨證施治但不宜發汗耳邪氣內攻復泄其津液胃氣轉虛必成脹滿若夫下利譫語而目直視下利厥躁不得眠下利發熱厥而自

汗下利厥冷無脈灸之不溫而脈不出下利日數十行其脈反實皆為不治之證五者最忌者也

太陽陽明合病下利頭目痛鼻乾脈浮葛根湯

太陽少陽合病下利頭痛胸滿乾嘔脈浮弦黃芩湯

嘔甚加半夏

少陽陽明合病下利身熱胸脇滿乾嘔往來寒熱脈長大而弦弦而為負負者死長大不弦為順大承氣湯下之

滑而數為有宿食亦從下之太陽病未解而欲下之遂熱而利心下痞硬表裏不解者桂枝人參湯

太陰自利不渴四逆湯理中湯木附湯

少陰下利不渴腎虛飲水自救脈微者白通湯

厥逆無脈者白通加猪膽汁湯四逆湯

少陰下利渴而嘔止煩不得眠者猪苓湯

少陰下利咽痛腦滿心煩者猪膚湯

自利清水心下必痛口中乾燥此不可溫宜用下太

承氣湯

傷寒醫下之續得下利清穀身痛者急當救裏宜四

逆湯清便自調急當救表宜桂枝湯

胃熱利白腹垢臍下必熱便下垢膩赤黃或渴黃芩

湯白頭翁相皮湯通用之白虎湯

胃寒利白鴨溏濟下必冷腹脹滿便中清白或清穀

四逆湯理中湯寒毒下利面帶陽者下虛也下利譫

語有燥屎也脈不微細小承氣湯

尺脈弦腸鳴泄利腹痛者冷痛也小建中湯三部平

心硬而下利者腸胃積結也宜下之大承氣湯

下利脈滑當有所去下之乃愈大承氣湯下利脈大

者虛也以其強下之故也設脈浮革因爾腸鳴者當

歸四逆湯

下利瘥後至其年月復發者以痛不盡故也宜下之

大承氣湯

便膿血

衝脉為血之海即血室也男女均有此血氣均有此衝脉衝之得熱血必妄行在男子則為下血譫語在婦人則為寒熱似瘡皆為熱入血室逼血下行則血熱而利也挾血之脉乍油乍數或伏或沉血熱交併則脉洪盛大抵男多於左手女多於右手見之又有一陰寒為病下利便膿血者乃下焦虛寒腸胃堅固清濁不分而利下膿血也二者一為挾血一為陰寒臨病宜精別焉

太陽病不解熱結膀胱其人如狂而血自下者愈不愈用桂枝湯明理論抵當湯

陽明病下血譫語腦脇滿如結胸夜則見鬼此為熱入血室小柴胡湯

少陰病下利便膿血者桃花湯

腹滿身熱下如魚腦曰濕毒桃花湯地榆散黃連阿膠湯

下後無表裏證脉數不散消穀易飢多日不大便此為瘀血桃仁承氣湯抵當湯或小柴胡湯加桃仁大黃

下焦畜火其人如狂小腹急結小便必利抵當丸

四逆

手足不溫謂之四逆邪在表則手足熱邪在裏則手足不溫至於邪傳少陰則手足有逆冷之證與厥陰又相遠也然自熱而至溫自溫而至厥乃傳經之邪輕則四逆散重則承氣湯下之非若得病手足便逆而不溫者四逆湯溫之則為陰經受邪而陽氣不足也其或吐利煩燥厥逆蹇卧皆屬少陰又為不治之證

少陰病四逆其人或咳或悸或小便不利或腹中痛

瀉或利下重並四逆散

初病以來厥冷四逆即四逆湯

手足逆冷大便閉小便赤或大便黑色脈沉而滑此為陽證以白虎湯甚者大承氣湯

厥逆

陽氣伏藏陰氣越出陰陽不相順接所以厥也若先熱而後厥者乃熱邪伏於內也先厥而後熱者乃陰退而陽得復也

引本注作沈也

若始得病便厥者是陽不足而陰勝也熱浮於內者其脈沉而數狂言發渴露手揚衣燥不得眠或大便



明理續論 卷六 四  
閉初便厥者其脈沉遲而弱醒醒而靜惡寒引衣或  
下利清穀也其或惡寒踈卧煩燥下利不知人皆爲  
惡候故曰逆也

先發熱而後厥者揚手擲足煩燥飲水畏熱頭汗大  
便閉小便赤悒昏悒當下失下血氣不通所以謂  
熱深則厥者此也大柴胡湯小承氣選而用之

初病便厥足攣惡寒引衣白蓋不渴大小便自利默  
然而惶惶諸四逆選用之

傷寒厥而心下悸者宜生治悸茯苓桂甘湯後治厥  
四逆湯吐利厥逆煩燥欲死者吳茱萸湯當歸四逆

湯仍灸大谿

不大便

不大便謂大便難也皆因發汗利小便耗其津液以  
致腸胃乾燥而轉屬陽明裏者多矣其小便自數者  
則爲津液偏勝故使大腸亦難也若下若發汗小便  
數大便硬者與承氣湯和之謂津液內竭也又有不  
宜便下者至於脈浮脈虛惡寒此尤帶表邪乃不可  
下其嘔吐爲邪未入腑雖有陽明證不可攻之小便  
清者知邪不在裏仍在表也大便秘小便少不轉失  
氣此內無燥屎也但初硬後溏爾陽明脈浮或經發

汗小便自利不大便者亦津液內竭宜蜜導煎通之  
 經曰其脈浮而數能食不大便此為實名曰陽結也  
 宜大柴胡湯若不了了得屎而解其脈沉而遲不能  
 食身體重大便反難名曰陰結也宜金液丹  
 陽寒不大便六七日頭痛有熱者小承氣湯  
 病人不大便六七日繞臍煩燥發作有時者此為屎  
 硬不得大便小承氣湯

夫病陽明者下之則硬汗多極發其汗則亦硬並小  
 柴胡湯

陽明病脇下硬滿不大便而嘔舌上白胎小柴胡湯

少陰病六七日腹脹不大便急下之大承氣湯  
 若發汗若利小便津液內竭大便自難者不可攻之  
 無陰陽強大便者下之必清穀脹滿並用蜜導煎

譫語鄭聲附

經曰邪氣盛則實精氣奪則虛故實則譫語虛則鄭  
 聲傷寒胃中熱盛上乘於心為熱胃則神識昏迷妄  
 有所見而言也輕者睡中呢喃重者不睡亦語亦有  
 譫語者有獨語者有語言不休者有言亂者凡此見  
 其熱之輕重也大抵熱入于胃水涸屎燥必發譫語  
 又有被火劫者有亡陽者名各不同但氣短者死脈

自和則愈或喘滿氣逆而上奔自利柔脫而奪下皆  
爲逆也譫語者脉洪數大便閉小便赤手足溫與調  
胃承氣湯

胃實譫語身熱汗多便難或潮熱諸承氣湯選用之  
發汗多亡陽譫語身自和不可下柴胡桂枝湯  
下利譫語爲有燥屎脉不微細小承氣湯  
利不止者不治

三陽合病譫語者脉滑右身重難以轉側口中不仁  
面垢遺尿不可汗下與白虎湯

傷寒大熱乾嘔呻吟錯語不得眠犀角解毒湯

得病無熱但狂言煩燥不安精采不與人相當與五  
苓散三錢以新汲水吐之則愈一法用猪苓湯

瘀血狂言譫語漱水大便黑色小便多身黃腹滿此  
爲當汗不汗皆熱在裏輕者犀角地黄湯甚著者桃仁  
承氣湯抵當丸

婦人熱入血室晝靜夜譫如見鬼狀小柴胡湯  
陽明病其人喜忘必有瘀血抵當丸

鄭聲者重語也又爲不正之音也傷寒鄭聲如鄭術  
之音不正也蓋因後汗若病人本音失而正氣虛則  
鄭重語不知高下乃精氣奪之候也其脉微細二便

利用白虎湯

小便不利小便難附

邪氣聚於下焦結而不散甚則小腹硬滿而不痛此小便所以不通大抵有所不利者行之所以滲泄也若飲水過多下焦畜熱或中濕發黃水飲停留皆以利小便為先惟汗後亡津液胃汁乾與陽明汗多者則以利小便為戒設或小便不利而見其汗者乃為陽脫關格之疾矣

別本其作頭

飲水過多下焦畜血熱小便不利脉浮者用五苓散脉沉者用苓湯

太陽病身黃脉沉者猪苓湯

太陽病身黃脉沉結小腹硬小便不利者為亡血也五苓加茵陳嘔而發熱腦滿心下怔忡小便不利者為亡血也五苓加茵陳茯苓

少陰病四逆或小便不利四逆散加茯苓

陽明病無汗小便不利心下懊惱者身必發黃五苓散加茵陳經曰虛則小便難陰虛者陽必溲之由膀胱受熱致小便赤澀而不流利也又曰雖不大便也六七日而小便少者但初硬後溏未定或硬攻之必溏縱小便多屎定硬方可攻之乃胃中有穀不別雖

通而不能也

陽明中風脉浮弦大身黃鼻乾氣短腹滿潮熱時噦  
心脇痛小便難小柴胡茯苓

太陽病小便利者以飲水多必有心下悸茯苓白朮  
甘草湯小便少者必裏急猪苓湯

小便自利小便數遺溺附

小便自利者為津液漏滲大便必硬宜以藥微下之  
其陽明自汗者復發其汗使津液內竭屎雖硬尤不  
可攻縱使大便難蜜導煎導之太陰當發身黃其小  
便自利者則濕熱內泄不能發黃惟血證則腹急而

如狂腎與膀胱虛則不能約制水液三者皆小便自  
利若腎與膀胱虛而挾熱熱則水道澀則小便不快  
故澀淋而數起也若自汗而小便數者雖有表證又  
不可用桂枝謂亡走津液也

大陽病小便自利以飲水多心下悸茯苓桂枝茯苓  
甘草湯

太陽自汗四肢拘急心煩微惡寒脚攣急小便數誤  
服桂枝湯得之便厥與甘草乾姜湯甘草芍藥湯  
脉浮自汗小便數胃不和譫語者少與調胃承氣湯  
陽明脉浮而澀浮則胃氣強澀則小便數浮澀相搏

明理經言 卷六 五  
大便則難其脾爲約宜麻仁湯  
少陰四逆小便自利或色白爲虛寒四逆湯或真武  
湯去茯苓既吐且利小便復利而大汗出下利清穀  
內寒外熱脈浮欲絕者四逆湯

舌上白胎臟結附

經曰舌上如胎者以丹田有熱胃中有寒謂寒氣初  
傳入裏也舌乃心之官法應南方火色本紅乃邪氣  
在表舌則無胎又邪氣在裏津液結搏則舌上生胎  
而滑熱氣漸深其舌胎燥而澁熱聚於胃其舌胎爲  
之黃矣若間黑色則熱已深病已極篤經曰舌熱病

口乾舌黑者死乃腎水刑於心火也

脈陰陽俱緊曰中氣出唇口乾燥踈卧足冷鼻中涕  
出舌上滑胎者勿妄治也到七八日以來其人微發  
熱手足溫者此爲欲解或八日已上反大發熱者此  
爲難治設使惡寒者必欲嘔也小柴胡湯加生姜  
腹內痛者必欲利也理中湯

太陽誤下胃中空虛客熱動膈懊憹舌胎澁干豉湯  
少陽病脇下硬滿不大便而嘔舌上白胎小柴胡湯  
陽明病舌上生胎五苓散舌黃者當下之金匱要略  
曰舌黃者未可下黃自去也

臟結者臟氣秘結而不流布也一息不運機織窮一  
 毫不續窮壞判臟其可結乎外證如結胸狀但欲食  
 如故時時下利為異耳其脈寸浮關沉而緊陰筋引  
 臍腹俱痛是也病人脇下素有痞連臍結無陽證不  
 往來寒熱其人反靜舌上胎滑者不可攻也刺關元  
 灸之亦可仍與小柴胡湯加生薑

咽痛

咽喉不利或痛或癢不可納食皆毒氣上衝所致經  
 曰太陽病下之脈緊者必咽痛以太陽之邪搏於少  
 陰也少陰之脈循喉嚨挾舌本少陰咽痛脈浮遲厥

冷或吐利亦屬少陰並不可汗下用桔梗湯猪膚湯  
 甚者半夏散通脈四逆湯去芍藥加桔梗汗不止藁  
 本濕粉撲之咽中生瘡不能言語聲不出者苦酒湯  
 若傷寒六七日大下後寸脈沉遲尺脈不至咽喉不  
 利唾血膿手足厥利不止者難治宜麻黃升麻湯  
 腎傷寒一證乃非時暴寒伏於少陽之經頭痛腰痛  
 脈微弱初咽痛以傷寒後必下利咽痛半夏桂枝湯  
 即半夏散利四逆湯

陽毒咽痛見發斑條咽中閉塞烏扇湯口瘡赤爛蜜  
 浸黃柏噙咽痛甚者升麻六物湯

頭眩

少陽居表裏之間表邪傳裏裏中陽虛故頭眩也又有發汗吐下後而眩者亦陽虛所致也若少陰病下利止而頭眩時自冒者此虛極而脫而風家亦有眩者風主運動故也其或諸逆發汗劇者言亂目眩而死也

太陽病若下之因復發汗以此表裏俱虛其人必眩胃胃家汗自出而愈

陽明病但頭眩不惡寒故能食而咳茯苓白朮甘草桂枝湯

少陽之為病口苦咽乾目眩小柴胡湯

太陽病發汗汗出不解其人仍發熱心下悸頭眩身暈動振振欲擗地真武湯

吐汗下後虛煩脈微沉緊心下悸脇下動氣咽喉眩身身搖筋脈動惕久而成痿茯苓桂枝白朮甘草湯痰用括萎湯

鼻衄

經絡熱盛迫血妄行出於鼻者為衄血也是雖熱其邪尤在經然亦不可發汗經曰以桂枝麻黃治衄非治衄也乃欲散其經中邪氣耳衄血故為欲解若衄



不止而頭汗出其身無汗及發熱汗不至足者又爲惡證當明辯之

太陽證衄血及服桂枝湯後致衄者爲欲解也羶犀角地黃湯衄不止茅花湯無汗能食者即欲衄黃芩湯

衄家不可發汗汗出必額上陷脈緊急直視不能眈不得眠芍藥地黃湯

陽明病渴欲漱水不嚥者必衄黃芩芍藥湯

不因下而自利加衄者麻黃升麻湯脈浮大欲發熱下利鼻衄乾嘔者黃芩芍藥湯煩而復渴欲飲水水

入卽吐先服五苓散次服竹葉石膏湯

少陰病但厥無汗強發之必動其血或從口鼻或自目出名下厥上竭爲難治當歸四逆湯仍灸太谿三陰交湧泉一法用黑錫丹

### 吐血

諸陽受熱其邪在表當汗不汗致使血毒入臟積瘀於內遂成吐血凡見眼閉目紅神昏語短眩冒迷妄煩燥漱水狂驚譫語鼻衄唾紅青冷足寒四肢厥逆胸腹急滿大便黑利小便頻數皆瘀血證也不必悉具但見一二便作血證主張初得此病急宜用藥至

於陸續不已經數時而腹痛者此又難於料理也

經曰**腹**桂枝湯吐者其後必吐膿血犀角地黃湯大

下後寸脉沉遲尺脉不至咽喉不利唾膿血者麻黃

升麻湯此有兩證一陽毒一陰毒陽毒用升麻湯陰

毒用甘桔湯加半夏生姜

血熱者黃連阿膠湯地榆栝皮湯三黃瀉心湯

脉浮發熱反灸之必咽燥吐血救逆湯

咽喉閉塞不可發汗發熱則吐血氣欲絕手足厥冷

證時不能自溫當歸四逆湯

心悸

心悸者築築然動怔忡不能自安者是也其證有二

一者氣虛一者停飲其氣虛者陽氣內弱心中空虛

而為悸又有汗下之後正氣內虛亦令人悸與氣虛

而悸者則又甚也法當定其氣悸也其停飲者由飲

水過多停留心下心火畏水不能自安而為悸也治

法必先分水氣雖有餘邪亦先治悸免使水氣散走

而成他證也

傷寒二三日心中悸而煩小建中湯經云先煩而悸

者此為熱先悸而煩者此為虛故宜建中湯

太陽病小便利者以飲水多故心下悸茯苓桂枝白

明理經前  
木甘草湯小便少者必裏急猪苓湯

陽明病在熱來往心下悸小便不利心煩喜嘔小柴

胡湯

太陽病發汗過多其人叉手自冒心下悸欲得按者  
桂枝甘草湯

發汗後其人臍下悸欲作奔豚茯苓桂枝白朮甘草  
湯

太陽病發汗不解仍發熱心下悸頭眩肌體瞤動振  
振欲擗地真武湯

少陽病耳聾目赤胸滿而煩妄作吐下則悸而驚與

小建中湯有熱者小柴胡湯

少陰病四逆其人或悸四逆散加桂枝心下有水氣  
厥而悸當先治水茯苓甘草湯不然水入胃中必不  
利也

傷寒脈結代心動悸炙甘草湯

發黃

內經曰濕熱相交民多病痺痺者單陽而無陰也夫  
陰脾土為濕熱所蒸則雖見於外必發身黃濕熱氣勝  
則外黃黃而晦熱氣勝則如橘黃而明傷寒至於發  
黃熱勢已極且與畜血大抵相類小便不利為發黃

小便自利為畜血也。或寸口無脈，鼻出冷氣，其夫形如烟，真搖頭直視，環口穉里，舉體發黃，是皆真臟氣絕也。

傷寒瘀血在裏，身必發黃，麻黃連翹赤小豆湯。

大陽中濕發黃，身熱，頭痛，目黃，汗出，濕在裏，五苓散。梔子蘗皮湯。

濕家之為病，一身盡痛，發熱，身雖如似重，裏小便不利，五苓散。小便自利，水附，身煩，痛，麻黃湯加蒼朮。脈浮，身重，汗出，惡風，防己黃耆湯。

陽明病，脈遲，食難用，飽飽則微煩，頭眩，必小便難。此欲作穀疸，雖下之，腹滿如鼓，穀疸湯。五苓散加茵陳。陽明傷寒發黃，易飢，短氣，腹滿，鼻乾，咽燥，心脇痛，小便難，潮熱，咳嗽，頭眩，嗜卧，脈絃浮大，小柴胡湯加茯苓。

血證發黃如狂，小便多，大便黑，犀角地黄湯。桃仁承氣湯，抵當湯，選用之。

黃疸，脈浮滑，數，頭面汗出，渴，飲水漿，小便不利，茵陳蒿湯調五苓散。

初發黃，以瓜蒂末，口噙水，搐鼻中，黃水出，愈。

發狂

難經曰重陰者顛重陽者狂傷寒熱毒在胃併入于心遂使神不寧而志不定也故發狂始則少卧不飢妄語妄笑甚則登高而歌棄衣而走踰垣上屋皆獨陽亢極熱之所致非大下之不能止也亦有當汗不汗熱熱在裏下焦畜血如狂者小便不利時如狂未至于狂耳若夫狂言直視便溺自遺其與汗後太熱脈燥狂言不食又為可慮也

重陽即陽毒脈數實狂走錯語煩燥乾嘔面赤咽痛潮熱發狂或下利黃赤陽毒升麻黃芩湯

時行熱病發狂黑奴丸經曰太陽病不解熱結膀胱

其人如狂而血自下者愈若外不解與桂枝湯外已解但小腹急結桃仁承氣湯

血證如狂脈微身黃唇燥嗽水無寒熱小腹滿小便不利大便黑犀角地黃湯甚者桃仁承氣湯抵當丸取下黑物為効

筋惕肉瞤

內經曰陽氣者精則養神柔則養筋發汗過多津液枯少陽氣偏虛筋肉失所養故惕然而跳瞤然而動非溫經助陽不可也張氏故特設真武湯以救之或因發汗吐下後表裏俱虛而有此狀者此又逆之甚

矣

太陽病發汗不解發熱心悸頭眩身瞶欲擗地真武湯

發汗過多或虛弱人微發汗或傷風自汗妄用大青龍湯便有厥逆筋惕肉瞶之證並屬真武湯羸者去芍藥有熱者去附子應發而腹中左右有動氣者並不可汗汗之則筋惕肉瞶或頭眩汗出不止其後最逆先宜防風白朮牡蠣湯次服小建中湯十救一二吐下之後心下逆滿氣上衝腦起則頭眩脈沉緊身振搖者茯苓桂枝白朮甘草湯久而成疾者通用心

下痞滿者枳桔湯加茯苓甘草

多眠汗下附霍亂

夫衛氣者晝行於陽夜行於陰行陽於寤行陰於寐陽氣虛陰氣盛則目瞑故多眠乃邪氣傳於陰而不在于陽也昏昏閉目陰自闔也默默不言者陰主靜也經曰太陽病十日已去脈浮細嗜卧者外已解也鼻乾不得汗嗜卧者風熱內攻不干乎表故熱氣伏於裏則喜睡也三陽合病但欲眠睡目合則汗譫則有熱也見盜汗其胃熱亦嗜卧也風溫狐惑亦有是證又當辯之

太陽病十日脈浮細嗜卧者外雖已解設腦滿腸痛鼻乾不得汗者小柴胡湯脈但浮者麻黃湯

少陰病但欲寐尺寸俱沉細者四逆湯

少陰病欲吐不吐心煩多寐尺寸俱沉細者四逆湯

少陰病欲吐不吐心煩多寐五六日自利而渴小便

白者則止矣

其濕霍亂死者少乾霍亂死者多若上不得吐下不

得利所傷之物不得出泄壅閉正氣陰陽懸隔喘脹

而死素間食飲有節起居有常安得有霍亂也霍

亂頭痛發熱身疼痛熱多欲飲水五苓散寒多不飲

水者理中湯吐利汗出脈微惡寒手足厥冷拘急四

逆湯腹滿而痛四肢拘急轉筋下利理中湯加附子

官桂加減詳見本方

吐利止身痛不休桂枝湯既吐且利小便復利而大

汗出下利清穀內寒外熱脈微欲絕者四逆湯

吐利止但汗出而厥四肢拘急不解脈微欲絕者通

脈四逆加豬膽汁

陰陽易陰陽交

凡男子陽易婦人陰易者病新瘥而動搖也其候

身重氣之小腹絞痛頭不能舉足不能行四肢拘急

月理續論

卷六

六十一

百節解散眼中生花手足拳攣其脉離經皆不可治  
或榮衛精髓竭翁翁少氣手足不能舉者而死汗外  
傷六氣內傷七情其爲害若是耶

燒裨散假鼠屎湯竹皮湯乾姜湯青竹茹湯官歸白  
朮湯宜選用之

陰陽交者温病不得發汗汗之復生大熱狂言不食  
其脉燥疾是也皆不治若脉浮數表證尤在可再汗  
之若脉沉實則爲胃實又從汗下之後復熱者同此  
法再汗用桂枝湯再下用承氣湯

拂鬱

拂鬱者陽氣蒸越形於頭面體膚之間聚赤而不散

瘰癧

瘰癧者瘳則急而縮瘳則緩而伸熱則生風風主乎  
動故筋脉相引而伸縮傷寒至於瘰癧可謂危矣能  
以祛風蕩熱之劑減其大勢間有可治者治法與瘳  
同

戰慄

戰慄者陰陽爭戰故身爲之搖也邪氣外與正氣爭  
則爲戰邪氣內與正氣爭則爲慄戰者正氣勝故有  
得汗而解者慄則不戰而但鼓頷遂成寒逆此陰氣



內熱正不勝邪宜姜附四逆湯加炮艾以禦之經曰  
陰中于邪必內慄也又云邪中下焦陰氣為慄足膝  
逆冷便溺妄出皆此類耳方在惡寒條四逆湯甘草  
乾姜湯若復燥而不得出者不治

### 時行兩感

時行者春應煖而反大寒夏應熱而反大涼秋應涼  
而反大熱冬應寒而反大溫此非其時而有其氣是  
以一歲之中長幼之病多相似者此即時行之氣春  
感寒邪在肝升麻葛根解肌湯夏感寒邪在心調中  
益氣湯射香湯半夏桂枝甘草湯秋感濕邪在肺白

虎加蒼朮發黃茵陳五苓散冬感寒邪在腎名曰冬  
溫括萎湯溫疫通用人參敗毒散升麻葛根湯從春  
分以後至秋分節前大有暴寒者皆為時行寒疫宜  
用辛溫藥發散

傷寒兩感半屬于陰半屬于陽臟腑俱受病一日太  
陽少陰俱病則頭疼口乾煩滿而渴二日陽明太陰  
受病則腹滿身熱不欲食譫語三日少陽厥陰俱病  
則耳聾囊縮而厥水漿不入口不知人者六七日死  
長沙無治法但凡兩感病俱作治有先後發表攻裏  
本自不同後人以意消息謂如下利不止身體疼痛

陽明經論 卷六 本四一  
當先救裏與四逆湯清便自調與桂枝湯然治有先後之說

太陽先受病在表先解表少陰先受病在裏先救裏先表者裏不可緩也先裏者表亦不可緩也此通權變之論也

不得眠

陽盛陰虛則晝夜不得眠蓋夜以陰為主陰氣盛則目閉而卧安若陰爲陽所盛故終夜煩擾而不得眠也所謂陰虛則夜爭者是也汗出鼻乾不得卧則邪在表也若胃有燥屎與大熱錯語及大汗胃中汁乾

而不得卧則爲邪在裏也胃不和則卧不得安故宜散熱和胃若汗吐下後虛煩不得眠又從施子散湯以湧之至于少陰病熱煩于內而不得眠又宜扶陰散熱若瘥後不得眠者則熱氣與諸陽相併陰氣未復也有汗下太過陽氣暴虛而不得眠者若無執證又宜姜附湯以追陰復陽也此又不可不知

太陽病二三日不能卧但欲起心下結脉微弱者此本有寒今反下之若利止必結胸未止三四日復下必協熱而利結胸理中丸協熱而利白頭翁湯少陰利下欬而嘔渴心煩不得眠者猪苓湯此停水

也若二三日心煩不得眠黃連阿膠湯

病人小便不利大便乍難乍易時有微熱喘冒不能  
卧者有燥屎也大承氣湯

下之後復發汗晝則煩燥不得眠夜則安前不嘔不  
渴無表裏證脉沉微身無大熱者乾姜附子湯

吐下汗後心中懊憹虛煩不得眠梔子豉湯陽勝陰  
則狂眠亂夢心煩之氣者酸棗湯陰勝陽則驚悸昏

沉大熱乾嘔呻吟錯語不得眠犀角解毒湯中風汗  
出脉濡而弱厥而且寒燥不得眠小建中湯煩燥竹

葉石膏湯

瘥後飲酒煩惡乾嘔口燥呻吟錯語不得眠犀角解  
毒湯

發斑

大熱則傷血血熱不散裏實表虛熱氣乘虛出于皮  
膚而為斑也輕則為疹子甚則為錦紋或病本屬陽  
誤投熱藥或當汗不汗當下不下或汗下未解皆能  
致此大抵有兩證一者溫毒即春時發汗下不解邪  
氣不散故發斑也一者熱病即冬時溫煖垂戾之氣  
遇春暄熱而發斑也不可誤汗若發其汗重令開泄  
更加斑爛也然而斑之不萌如蚊跡類焉發斑多見

于胸腹蚊跡只在于手足陽脉洪大病人昏憤先紅後赤者斑也脉不洪大病人自靜先紅後黃者蚊跡也其或大便自利拂鬱氣短燥屎不通又如果實磨者雖虛扁復生亦不能施其巧凡汗下不解煩悶咳嗽嘔吐足冷不溫便是發斑之候溫毒發斑黑膏主之渴而心悶下利嘔吐下部有瘡或口瘡黃連橘皮湯葛根湯橘皮湯陽毒發斑狂顛妄言面赤咽痛身斑如錦下利赤黃升麻湯麥效丸有下證調胃承氣湯時氣發斑大青四物湯猪膽雞子湯

發斑通用升麻湯犀角地黄湯

熱多者玄參升麻湯黃連一物湯青木香一物湯

凡赤斑五死一生黑斑不救

### 動氣

動氣者臟氣不調築築跳動隨臟所主而形見於臍之左右上下也難經各藏載之又有真氣內虛水結不散氣與相搏即發奔豚以其從氣衝突如豚之奔皆不宜汗下然而獨不言脾當臍之有動氣者脾為中州以行津液妄施汗下必先動脾是以不言而喻也左右上下不宜汗下何況中州之氣其敢輕動之

日理經言 卷六  
乎傷寒所以看外證爲當者蓋不在脈之可見必待  
問之可得發汗下其可輕舉哉

動氣通用理中湯去白朮加桂白朮燥腎閉氣故去  
之桂泄奔豚加之一法用柴胡桂枝湯亦良三方當  
看有熱無熱動氣在左發汗則頭眩汗下不止筋惕  
內瞤爲逆先宜防風白朮牡蠣湯汗必與建中湯動  
氣在右發汗則衄而渴心若煩飲則吐先宜五苓散  
後與竹葉石膏湯

動氣在上發汗則氣上衝心桃核湯動氣在下發汗  
則心中大煩骨節疼痛日暈食入卽吐先宜大橘皮  
湯後與小建中湯動氣在左不可下下之則腹滿拘  
急身雖熱反欲拳先宜甘草乾姜湯後與小建中湯  
動氣在右下之則津液竭咽乾鼻燥頭眩心悸宜竹  
葉石膏湯動氣在上下之則腹滿清穀心痞頭眩宜  
甘草瀉心湯

### 衄厥狐惑

衄厥屬厥陰病人素有寒妄發其汗或汗後身有熱  
又復汗之以致胃中虛冷飢不欲食食卽吐衄而乍  
靜乍煩者衄或上而或下也虫聞食臭必出所以食  
卽吐虫也衄厥先用理中丸次用烏梅丸若誤下之

利不止用四逆湯

狐惑失鹽皆虫證也蓋腹中有熱入食無多腸胃空虛故三虫求食而食人之五臟也其候四肢沉重惡聞食氣默默欲眠目不能閉噎齒晦面眉間赤白黑色變易無常虫食下部為狐下唇有瘡其咽乾虫食其臟為惑上唇有瘡其聲啞治鹽通用桃仁湯黃連犀角湯雄黃鏡散無陽者用金液丹厥陰為病消渴氣上衝心飢不欲食食即吐虵曰胃寒復有消渴之證蓋染其上焦而中焦則但寒無熱矣又有大便難一證並用理中湯加大黃入蜜少許微利之

百合病

百合者百脉一宗舉身皆受病無復所謂經絡傳次也大病虛勞之後臟腑不平變而成此其狀似寒無寒似熱無熱欲食不食欲臥不卧欲行不行口苦便赤藥入即吐利也其脉微數每尿則頭痛六七日愈頭痛者但浙浙然惡寒者四七日愈若尿則快然但頭眩者二十日愈百合知母湯百合地黃湯滑石代赭湯雞子湯百合洗方可選用之

不仁

不仁謂不柔和也經曰諸虛承寒則為鬱胃不仁蓋

其血氣虛少不能週流於身是為邪氣所伏故肥體  
頑麻不知痛痒寒過厥如尸而齶且胃也設或脈浮  
而洪身汗如油喘而不休水漿不下形體不仁又此  
為命絕也

經曰少陰脈不至腎氣微精血少寒氣上奔血結心  
下陽氣退下熱歸陰眩與陰相動人之身不仁此為  
尸厥以鬱胃不仁為可刺之而得痊者實神醫之診  
也甘草乾姜湯桂枝芍藥湯加乾姜桂枝麻黃各半  
湯宜消息選用之

霍亂

霍亂者上吐下利揮霍而撩亂者是也邪在上焦吐  
而不利邪在下焦則利而不吐邪在中焦既吐且利  
然胃氣為邪氣所傷陰陽乖隔遂上吐而利也乃謂  
霍亂其餘但稱吐利者有以異也故以乾霍亂死者  
多濕霍亂死者少吐利則所傷之物得以泄出胃中  
水穀盡也其證則有異焉大便硬而氣短者實也汗  
下後而得嘔者虛也當詳究之

太陽初得病發汗不徹併于陽明續自微汗出面色  
赤者陽氣拂鬱也解肌湯  
或汗久不徹其脈浮緊與麻黃湯

小便不利時有微熱大便乍難拂鬱不得卧此燥屎  
裏實也承氣湯主之

汗下後虛熱又復下之其人拂鬱復與之水因而成  
噦此胃中寒也桂枝人參湯加茯苓

瘧後昏沉

傷寒瘧後半月以來十餘日終不惺惺錯語少神或  
寒熱似瘧或潮熱頰赤醫以風濕治之非也是由發  
汗不透寒熱在心包絡間也

瘧後昏沉不醒知母麻黃湯取微汗胃脘有熱虛煩  
而嘔竹葉石膏湯加生姜嘔吐不已膈上有寒理中

九

瘧後從腰以下有水牡蠣澤瀉散

瘧後日暮微煩以其病方瘧強與穀食不消也損穀  
則愈矣

傷寒四證類玄出指掌圖

痰證

外證增寒壯熱惡風自汗胸滿氣上衝咽不得息但  
身不疼項不強若涎多者亦隱隱頭疼脉有寸浮者  
亦有寸伏者以意察之柴胡半夏湯金沸草散大半  
夏湯氣上衝者瓜蒂散吐之



傷食

亦頭疼惡寒身熱但左手脉平和右手脉緊盛知為食也大橘皮湯二陳湯心腹滿痛大柴胡湯下之腦滿嘔吐瓜蒂散吐之

虛煩

諸虛煩熱與傷寒相似但不惡寒頭不疼身不痛為異耳表既虛不可汗裏不實不可下叔和云虛煩有熱不可攻

脚氣

傷寒傳足不傳手所以寒濕之氣發于足則類傷寒

其證頭疼身熱肢節痛大便秘或嘔但初病時起于脚膝屈弱不能移動為異耳感於寒所患必冷越婢小續命湯入生姜汁最妙感於暑所患是熱小續命去附子減桂一半脚腫木瓜散檳榔散大便秘脾約丸

小便自利

太陽身黃小便當不利今反自利其人如狂血證也

抵當湯

傷寒有熱小腹滿應小便不利今反自利為有血也抵當丸下之尿血延胡索湯

延胡索

杜硝二兩

為末每服四錢水一盞煎八分溫服

陽明自汗應小便不利而反自利津液內竭也尿澀  
硬不可攻宜蜜導煎豬膽汁法

少陰四逆小便自利虛寒也四逆湯及真武湯去茯苓  
芍小便秘或赤知內有熱也小便自利其人如狂小  
腹滿知不為熱乃畜血也若陽明津竭自利與夫少  
陰自利乃胞寒不禁可不溫乎

熱入血室

婦人中風發熱惡寒經水適來得之七八日熱除脉

遲身涼脉滿如結脉狀譫語者此為熱入血室當  
刺期門隨其實而瀉之

婦人傷寒發熱經水適來晝日明暮則譫語如見  
鬼狀此為熱入血室無犯胃氣及上中二焦必自愈  
婦人中風七八日續得寒熱發作經水適斷此為熱  
入血室其血必結故如瘧狀小柴胡湯

陽明下血譫語此為熱入血室但頭汗出者刺期門  
隨其實而瀉之澱然汗出而愈

婦人熱入血室有二經水適來二條不言藥者蓋以  
經血方來熱氣乘虛而入經血止則熱亦出矣故不

可用汗下藥犯其胃氣及上中焦如其胸滿譫語此  
 內實也刺期門以瀉之若經水適斷續得寒熱其血  
 必結故用小柴胡湯若陽明熱入血室此男于失血  
 之證但當刺以瀉熱也

他百傷寒脈治心法及診脈之法二章

婦人血虛者入血室在經閉又上白下赤者有血  
 熱也其脈浮而數者刺期門以瀉熱也  
 婦人血虛者入血室在經閉又上白下赤者有血  
 熱也其脈浮而數者刺期門以瀉熱也

婦人血虛者入血室在經閉又上白下赤者有血  
 熱也其脈浮而數者刺期門以瀉熱也

